

妙法蓮華經。授學無學人
記品。第九

爾時阿難。羅睺羅。而作
是念。我等每自思惟。設
得授記。不亦快乎。即從
座起。到於仏前。頭面禮
足。俱白仏言。世尊。我
等於此。亦必有分。唯有
如來。我等所歸。又我等。
為一切世間。天人阿修羅。
所見知識。阿難常為侍者。

護持法藏。羅睺羅。是仏
之子。若仏見授。阿耨多
羅三藐三菩提記者。我願
既滿。衆望亦足。爾時学
無学。声聞弟子二千人。
皆從座起。偏袒右肩。到
於仏前。一心合掌。瞻仰
世尊。如阿難。羅睺羅所
願。住立一面。爾時仏告。
阿難。汝於來世。當得作
仏。号山海慧自在通王如

来。応供。正徧知。明行
足。善逝。世間解。無上
士。調御丈夫。天人師。
仏。世尊。当供養。六十
二億諸仏。護持法蔵。然
後得阿耨多羅三藐三菩提。
教化二十千万億恒河沙。
諸菩薩等。令成阿耨多羅
三藐三菩提。国名常立勝
旃。其土清淨。瑠璃為地。
劫名妙音徧滿。其仏寿命。

無量千萬億。阿僧祇劫。
若人於千萬億。無量阿僧
祇劫中。算數校計。不能
得知。正法住世。倍於壽
命。像法住世。復倍正法。
阿難。是山海慧自在通王
仙。為十方。無量千萬億。
恒河沙等。諸仙如來。所
共讚歎。稱其功德。爾時
世尊。欲重宣此義。而說
偈言

我今僧中說 阿難持法者
當供養諸仏 然後成正覺
号曰山海慧 自在通王仏
其国土清淨 名常立勝旂
教化諸菩薩 其數如恒沙
仏有大威徳 名聞滿十方
壽命無有量 以愍衆生故
正法倍壽命 像法復倍是
如恒河沙等 無數諸衆生
於此仏法中 種仏道因縁
爾時會中。新発意菩薩八

千人。咸作是念。我等尚
不聞。諸大菩薩。得如是
記。有何因緣。而諸声聞。
得如是決。爾時世尊。知
諸菩薩。心之所念。而告
之曰。諸善男子。我与阿
難等。於空王仏所。同時
発阿耨多羅三藐三菩提心。
阿難。常樂多聞。我常勤
精進。是故我已得成阿耨
多羅三藐三菩提。而阿難。

護持我法。亦護將來。諸
仙法藏。教化成就。諸菩
薩衆。其本願如是。故獲
斯記。阿難面於仙前。自
聞授記。及国土莊嚴。所
願具足。心大歡喜。得未
曾有。即時憶念。過去無
量千萬億。諸仙法藏。通
達無礙。如今所聞。亦識
本願。爾時阿難。而說偈
言

世尊甚希有。令我念過去
無種諸仏法。如今日所聞
我今無復疑。安住於仏道
方便為侍者。護持諸仏法
爾時仏告。羅睺羅。汝於
來世。當得作仏。号蹈七
宝華如来。応供。正徧知。
明行足。善逝。世間解。
無上士。調御丈夫。天人
師。仏。世尊。當供養十
世界。微塵等数。諸仏如

来。常為諸仙。而作長子。
猶如今也。是蹈七宝華仙。
国土莊嚴。壽命劫數。所
化弟子。正法像法。亦如
山海慧自在通王如來無異。
亦為此仙。而作長子。過
是已後。當得阿耨多羅三
藐三菩提。爾時世尊。欲
重宣此義。而說偈言
我為太子時 羅睺為長子
我今成仙道 受法為法子

於未來世中 見無量億仙
皆為其長子 一心求仙道
羅睺羅密行 唯我能知之
現為我長子 以示諸衆生
無量億千萬 功德不可數
安住於仙法 以求無上道
爾時世尊見學無學二千人
其意柔軟。寂然清淨。一
心觀仙。仙告阿難。汝見
是學無學。二千人不。唯
然已見。阿難。是諸人等。

当供養。五十世界。微塵
數。諸仏如来。恭敬尊重。
護持法蔵。末後同時。於
十方国。各得成仏。皆同
一号。名曰宝相如来。応
供。正徧知。明行足。善
逝。世間解。無上士。調
御丈夫。天人師。仏。世
尊。寿命一劫。国土莊嚴。
声聞菩薩。正法像法。皆
悉同等。爾時世尊欲重宣

此義。而說偈言

是二千声聞
悉皆与授記
所供養諸仏
護持其法蔵
各於十方国
俱時坐道場
皆名為宝相
正法与像法
咸以諸神通
名聞普周徧

今於我前住
未來当成仏
如上說塵数
後当成正覚
悉同一名号
以証無上慧
国土及弟子
悉等無有異
度十方衆生
漸入於涅槃

爾時學無學二千人。聞
佛授記。歡喜踊躍。而說偈
言
世尊慧燈明 我聞授記音
心歡喜充滿 如甘露見灌